

বি. দ্র. মহিলারা এ দু'আ পাঠ করত।
اللَّهُمَّ إِنِّي أَمْتُكَ وَبِنْتُ عَبْدِكَ وَبِنْتُ أَمْتِكَ

“আল্লা-হুম্মা ইন্নী আমাতুকা, ওয়া বিনতু আবদিকা ওয়া বিনতু আমাতিকা
...”, অর্থঃ হে আল্লাহ আমি আপনার বান্দী, আপনার (একজন) বান্দার কন্যা,
আপনার এক বান্দীর কন্যা ।

বিশেষ করে আল্লাহর ‘ইসমু আ‘যম’ বা শ্রেষ্ঠতম নাম ধরে দু‘আ করতে
হাদীসে উৎসাহ প্রদান করা হয়েছে। বিভিন্ন হাদীসে বলা হয়েছে যে, আল্লাহর ‘ইসমু
আ‘যম’ এর ওসীলায় আল্লাহর নিকট দু‘আ করলে আল্লাহ দু‘আ কবুল করবেন। কিন্তু
‘ইসমু আ‘যম’ কী সে বিষয়ে একাধিক সহীহ ও যরীফ রেওয়ায়েত রয়েছে। এখানে
কয়েকটি সহীহ হাদীস এ বিষয়ে উল্লেখ করছি :

যিক্র নং ২০ : মহান আল্লাহর ইসমু আ‘যম-১

اللَّهُمَّ إِنِّي أَسْأَلُكَ بِأَنِّي أَشْهَدُ أَنَّكَ أَنْتَ اللَّهُ لَا إِلَهَ إِلَّا أَنْتَ
الْأَخَذُ الصَّمَدُ الَّذِي لَمْ يَلِدْ وَلَمْ يُولَدْ وَلَمْ يَكُنْ لَهُ كُفُوًا أَحَدٌ.

উচ্চারণ: আল্লা-হুম্মা ইন্নী আসআলুকা বিআন্নী আশহাদু আন্নালা-ই-
লা- ইলা-হা ইল্লা- আনতাল আ‘হাদুস সামাদুল লায়ী লাম ইয়ালিদ, ওয়া লাম ইউলাদ,
ওয়া লাম ইয়াকুল লাহু কুফুওয়ান আ‘হাদ ।

অর্থ: “হে আল্লাহ, আমি আপনার নিকট এই বলে প্রার্থনা করছি যে, আমি
শ্রদ্ধা প্রদান করছি, আপনিই আল্লাহ, আপনি ছাড়া কোনো মা‘বুদ নেই। আপনিই
কক, অমুখাপেক্ষী, যিনি জন্মদান করেননি ও জন্মগ্রহণ করেননি এবং তাঁর সমতুল্য
কউ নেই।”

বুরাইদাহ (রা) বলেন, রাসূলুল্লাহ ﷺ দেখেন যে, এক ব্যক্তি সালাতরত
বিস্মায় দু‘আয় উপরের কথাগুলো বলছে। তখন তিনি বলেন :

وَالَّذِي نَفْسِي بِيَدِهِ لَقَدْ سَأَلَ اللَّهَ بِاسْمِهِ الْأَعْظَمِ الَّذِي إِذَا دُعِيَ
بِهِ أَجَابَ وَإِذَا سُئِلَ بِهِ أُعْطِيَ

